

ՍԱՆԿՏ ՊԵՏԵՐՐՈՒՐԳԻ 300 ՏԱՐԻՆ

ԳԱԼՈՒՍԻ ԳԱԼՈՅԱՆ

Ժամանակները ընդունակ չեն խամրելու մեծագույն իրադարձությունների պատմական նշանակությունը, անկախ այն հանգամանքից, թե դրանք ինչպես են ընկալվում տարրեր սերունդների կողմից:

Ռուսական պատմության մեջ այգուլիսի իրադարձությունների շարքին է պատկանում Պետրոս I-ի կողմից 1703 թվականի մայիսի 16/27-ին Սանկտ Պետերբուրգի հիմնադրումը, որին վիճակված էր խոշորագույն գերխաղալ ոչ միայն ռուսների, այլև Ռուսաստանում բնակված տասնյակ ու տասնյակ ազգերի, այդ թվում և հայերի կյանքում: Երեք հարյուր տարիների ընթացքում կրելով տարբեր անուններ՝ Սանկտ Պետերբուրգ, Պետերբուրգ, Պետրոգրադ, Լենինգրադ և կրկին՝ Սանկտ Պետերբուրգ՝ այդ քաղաքը 1712 թ. ի վեր (մի փոքր ընդհատումով՝ 1728–1732 թթ.) մինչև 1918 թ. մարտ ամիսը Ռուսաստանի մայրաքաղաքն էր, որն այսօր էլ ռուսաստանցիները սիրով կոչում են «Հյուսիսային մայրաքաղաք» և երախտապարտության մեջ են հիշում նրա հիմնադրին: Ավանդաբար ստեղծվել է այն կարծիքը, թե Պետրոս Մեծը (ի միջի այլոց Պյոտր հունարեն նշանակում է «Ժայռ» և խիստ սազական է նրան), հիմնելով Սանկտ Պետերբուրգը, «բացել է պատուհան» դեպի Եվրոպա և նպատակ է ունեցել շվեդներից ետ խլել Ռուսաստանից դավթած տարածքները:

Նշենք, որ դա նպատակներից մեկն է եղել միայն: Առավել կարևորվել է այդ պատուհանով Եվրոպայի շունչն ու քաղաքակրթությունը Ռուսաստան բերելը: Երկիրն այդ ժամանակ գտնվում էր ճորտատիրական կապանքների մեջ: Այդ փաստը առավել ցցուն պատկերված է Ալեքսանդր Ռադիշչևի «Ճանապարհորդություն Պետերբուրգից Մոսկվա» հայտնի քերթվածում: Պետրոս Մեծը նպատակ էր դրել դեռևս իր կենդանության օրոք հասնելու Ռուսաստանի առաջադիմությանն ու եվրոպականացմանը: Բայց քանի որ Ռուսաստանն այդ ժամանակ, իրենց իսկ ռուսների բնութագրմամբ, բարբարոսական վիճակում էր, Պետրոս Մեծն այդ բարբարոսության դեմ պայքարի ելավ բարբարոսական մեթոդներով:

Պատմությունը, սակայն, դրա համար չդատապարտեց Պետրոս Մեծին, քանի որ այլ միջոց հասնելու Ռուսաստանի առաջադիմությանը, այն ժամանակ չէր նշմարվում:

Պետրոս I-ը ոչ միայն հիմնեց Սանկտ Պետերբուրգը, այլև ստեղծեց ժամանակակից ռազմական ու առևտրական նավատորմ, դրա շինարարությունը մասնակցելով որպես ատաղձագործ, մի մասնագիտություն, որ նա ձեռք էր բերել Ամստերդամի և Լոնդոնի նավաշինարաններում աշխատելիս: Ռուսաստանը շուտով դարձավ Եվրոպայի ծովային խոշոր տերություններից մեկը, աշխարհի ջրերում իսպանիայի, Պորտուգալիայի, Անգ-

լիայի և Ֆրանսիայի նախատորմների կողքին ծածանելով իր ծովային գրոշր: Մանկա Պետերբուրգը անխորտակելի պարձրեց Ռուսաստանի Հյուսիսային սահմանները: Կայսրը Հիմնեց սուսական կանոնավոր և խիստ կարգապահ բանակ, իր ձեռքով գրելով և գործողություն մեջ դնելով բանակի և նավատորմի կանոնադրությունը:

Պետրոս Մեծը մշակեց երկրում անցկացվելիք անսեսական ու ուղղակի կանոնադրությունների ծրագիր, որի իրագործմանը խոչընդոտողներին նա անխնա հետապնդում էր իր ճանապարհից, չխնայելով ոչ մեկին, այդ թվում իր սրբուն, որին մահվան պատգարտեց 1718 թ.: Նրա համար «անհատի իրավունք» հասկացությունը գոյություն չուներ: Նա իր յուրաքանչյուր քայլը լինեցնում էր պետություն ընդհանուր շահերից: Նա խորապես ուսումնասիրում էր եվրոպական տերությունների կայացման պատմությունը և աշխատում էր ընդօրինակել Ռուսաստանի համար բնգունների նրանց փորձը:

Նրա ընդօրինակելի պետական գործիչը կարգինայ Ռիչելյեն, որ XVII դ. առաջին 40-ամյակում ոչ միայն Ֆրանսիան էր պահում իր ձեռքում (չնայած անվանապես թագավորում էր Լյուդովիկոս XIII-ը), այլև իր խարդավանքներով ու հնարամտությամբ լարված վիճակի մեջ էր պահում Անգլիային, Իսպանիային և մյուս տերություններին: Ռիչելյեն էր Ֆրանսիական արտոյուտիզմի հիմնադիրը, մի պաղափար, որն այնքան խոր արմատներ սերմանեց Ֆրանսիական հողում, որ հետագայում այդ պաղափարով ներշնչված Լյուդովիկոս XIV-ը հորջորջաց, թե պետությունն այդ ինքն է:

XVIII դ. Ռուսիայում տարածված էր պարականոն մի պատմություն, թե իրը Պետրոս I-ը այցելել է Ռիչելյենի գերեզմանին և ասել, թե «Ես իմ թագավորության կեսը կտայի, միայն թե սովորեի մյուս կեսը կառավարել»: Այդ առասպելին հիմք էր ծառայել Պետրոս Մեծի Ռիչելյենական գործելակերպը: Ֆրանսիայում Ռիչելյեն, իսկ Ռուսաստանում Պետրոս Մեծը հաստատեց արտոյուտիզմը կայսրերի բացարձակ միահեծանությունը, որը պահպանվեց մինչև Ռոմանովների դինաստիայի տապալումը, մինչև 1917 թ.:

1700 թ. Պետրոս I-ը մտցրեց նոր օրացույց, տարին սկսելով հունվարի մեկից և ոչ թե սեպտեմբերի մեկից, ինչպես ընդունված էր մինչև այդ Ռուսաստանում: 1721 թ. նա Ռուսաստանը հռչակեց կայսրություն, իր տիրոջին ավելացնելով բոլոր նվաճված երկրների թաղավոր լինելը: Այդ ավանդույթը ևս պահպանվեց մինչև 1917 թ.: Օրինակ, երբ 1828 թ. հռչակվեց Արևելյան Հայաստանի միացումը Ռուսաստանին, Նիկոլայ I-ի տիրոջին ավելացվեց նաև «Հայաստանի թագավոր» տիրոջուր:

Պետրոս Մեծը հասկանում էր գիտության և կրթության անառարկելի գերը երկրի առաջադիմությունն ապահովելու համար: Հենց նա Ռուսաստանում հիմնեց գիտությունների ակադեմիա, սրան կից ստեղծելով համալսարան և գիմնազիա, շողկապելով գիտությունն ու կրթությունը: Հետագա դարերի ընթացքում հենց այդ հանգամանքը ապահովեց Ռուսական հզոր գիտություն, մշակույթի և դրանց հիման վրա առաջադիմական գաղափարների զարգացումը, ինչը հետագայում կռվան հանդիսացավ նաև

սրկելահայ մշակույթի, դիտություն և դեմոկրատական դադափարների ձևավորման համար:

Պետերբուրգում ձևավորվեց հայկական դադույթ, որի ընդունի հայտնի երեքելի դեմքերը ծանրակշիռ դեր խաղացին հայ հասարակական կյանքում և հայ-ռուսական հարաբերությունների ամրասլնգման խնդրում:

Պետրոս Մեծի անուկը այսօր էլ իր դրական դերն է կատարում Ռուսաստանում գիտություն զարգացման ավանդույթները սահպանելու խնդրում: Զավեշտական է, բայց փաստ է, որ երբ Նիկիտա խրուշչովը դարձավ երկրի առաջին դեմքը, իր տգետ և նենգ շրջապատի թելադրանքով փորձեց նսեմացնել գիտությունների ակադեմիայի դերը (ծանոթ խարդավանք, որ կատարվեց Հայաստանում տաս տարի առաջ, այսօր նորից իշխանության ձգտող ուժերի կողմից և կասեցվեց Ֆադեյ Սարգսյանի ջանքերով: Իսկ խՍՀՄ ակադեմիայի պրեզիդենտ Նեսմեյանովի փորձերը ետ սահել խրուշչովին այդ խավարամիտ քայլից ազդեցություն չէին ունեցել նրա վրա: Այն ժամանակ Նեսմեյանովը հայտարարել էր, որ հրաժարվում է ակադեմիայի պրեզիդենտի պաշտոնից, և ավելացրել, որ ժողովուրդը կասի, թե «Պետրոս Մեծը հիմնեց Ռուսական ակադեմիան, իսկ խրուշչովը փակեց այն»: Միայն այդ վախը ղսպեց խրուշչովին): Այնպես որ, իսկական մեծությունները իրենց մահից հարյուրամյակներ անց էլ մասնակցում են ապրողների կյանքին:

Պետրոս I-ի պետական կառավարման փորձը, անկախ հետագա գարաշրջանների ձևաբերումներից, գուրկ չէ ուսուցողական լինելուց կամքի դրսևորման, նպատակների հստակություն և սլետականություն զադափարներին նվիրված լինելու առումով:

Թե ինչու մենք, հայերս, մշտապես պատկսռանք ենք տածել Պետրոս I-ի, էնգելսի բնութագրմամբ «Իրոք այդ մեծ մարդու» նկատմամբ, մեծապես պայմանավորված է հայերի նկատմամբ նրա ունեցած վերաբերմունքով: Այս միտքն ավելի առարկայական դարձնելու համար թույլ տվեք ձեր հիշողության մեջ վերականգնել պատառիկներ հայ-ռուսական հարաբերությունների պատմությունից, որոնք ուղղակիորեն առնչվում են հայ-ռուսական հարաբերությունների ձևավորմանն ու Պետրոս I-ի գործունեությունը:

Պետրոս I-ը մեծ ակտիվություն հաղորդեց Ռուսաստանի արևելյան քաղաքականությանը, որի նպատակներից մեկը Պարսկաստանին տիրանալն ու դեպի Հնդկաստան ճանապարհ բացելն էր: Իսկ Արևելյան Հայաստանն այդ ժամանակ Պարսկաստանի տիրակալության տակ էր գտնվում: Հայերը ձգտում էին դուրս գալ այդ լծի տակից, իսկ ուսները տիրանալ նախ և առաջ Հայաստանին: Շահերի այս փոխադարձ գուգորդումն էր, որ հիմք հանդիսացավ հայ-ռուսական հարաբերությունների սերտացմանը:

Այդ հարաբերությունները, սակայն, չէին սկսվում Պետրոս I-ով: Դեռևս Կիևյան Ռուսիայի կայացման ժամանակներում ուսական աղբյուրների վկայությամբ, 1060 թ. Կիևի իշխանի հրավերով հայ ճարտարապետները մասնակցել են Կիևում լուսավորչական դավանանքի եկեղեցու կառուցմանը: Վարդիմիր Մոնոմախի պալատում կային նշանավոր հայ բժիշկներ, ճարտարապետներ, նկարիչներ, որոնք մեծապես օգնել են Կիևի կառուց-

մանր: Իսկ շատ հայտնիներ մտանակցել են ռուսիայի մզած պատերազմներին:

Հայ առևտրականները նպաստել են տարրեր երկրների հետ Ռուսաստանի առևտրական կապերի ամրապնդմանը: XI դ. Վոլգայի ափին գանձույթ Բոլգար քաղաքը հայ մեծահարուստ առևտրականների մշակված ապրելավայրն էր՝ նրանք ճորտաափրական Ռուսաստանում վայելում էին ազատներին արտոնված իրավունքներ:

XVI դ. կեսերից հայկական գաղութ գոյություն ուներ Մոսկվայում: Այստեղ, Կարմիր հրապարակում, ի նշանավորումն Կազանի խանությունում գեթ տարած հաղթանակի, Իվան Ահեղի հրամանով կոտուցվեց Վասիլի Երանկու տաճարը (Պակրովսկու տաճարը): Առայսօր կանգուն «Այդ տաճարն ուներ երկու հարկ, վերնահարկում ինը կյաշենքերից մեկը կրում էր Գրիգոր Լուսավորչի անունը: Այդ կյաշենքին տալով հայկական ազդեցության տեսք, ցարը այն նախատահմանից ի մխիթարություն այն հայ առևտրական մարդկանց, որոնք Կազանի դրաման ժամանակ տեղի ունեցած դժան ջարդից հետո այնտեղից փոխադրվել էին Մոսկվա և ցարի հրամանով բնակեցվել «Ի-ելի գորոգ»-ում՝ «ազատ, արտոնություններից ազատ մարդկանց մեջ»:

Ան պատմական այն ժամանակահատվածն էր, երբ թուրք-պարսկական արյունահեղ պատերազմների հետևանքով ձեռքից ձեռք էր անցնում Հայաստանը և ստանկոխ էր արվում հայությունը: XVI դ. երեսնական թվականներին թուրքերը ներխուժեցին Արևմտյան Հայաստան, իսկ 1554 թ. հասան մինչև Արարատյան դաշտ, զրավեցին Երևանը և այրեցին այն:

Չնայած 1555 թ. Ամսիայի պայմանագրով Հայաստանը բաժանվեց երկու բռնակալական տերությունների միջև, սակայն դրանից հետո մոտ մեկ հարյուրամյակ շարունակվեցին թուրք-պարսկական ավարառու արշավանքները՝ ամբողջ Հայաստանին տիրելու համար: 1639 թ. նորից Հայաստանի բաժանումը հավաստող պայմանագիր կնքվեց Թուրքիայի և Պարսկաստանի միջև և դրանով իսկ տապանաբար դրվեց Հայաստանի ամբողջականությունը վերականգնելու հայերի հույսերի վրա:

Այս շրջանից ի վեր հայոց ազատագրական պայքարի կազմակերպիչներն արտաքին ուժերին էին դիմում հայոց հողերի միավորման և անկախ պետականություն վերականգնման համար: Երբ 1453 թ. թուրքերը գրավեցին Կ. Պոլիսը, և, Հովհ. Թումանյանի արտահայտությամբ, իրենց արյունոտ թափը գրեցին Այա Սոֆիայի սուրբ պատերին, «Եվրոպական թագավորները, ուստի մեծ պատմաբան Կարմազինի արտահայտությամբ, սարսափահար եղան», քանի որ թուրքական հորդաները սպառնում էին ներխուժել Եվրոպայի խորքերը: Իսկ Հայաստանի բաժանումը թուրքերի և պարսիկների միջև այդպիսի ազդեցություն չթողեց կիրառական արքունիքների վրա, սակայն Հայկական հարցը դարձավ նրանց երկարատև շահարկումների առարկա՝ Մերձավոր Արևելքում իրենց շահերի համար մզվող պայքարում:

Այս ֆոնի վրա է դիտարկվում Ռուսաստանի խաղացած դերը մեր ժողովրդի ճակատագրում: Սակայն ասել, թե այդ ճակատագրի նկատմամբ մտահոգիչ վերաբերմունքի հետևանք է եղել Ռուսաստանի վարած քաղա-

քականություններ, միակողմանի կլիներ: Ռուսաստանը, բնականաբար, իր շահերն էր հետապնդում, որոնք, սակայն, համահունչ էին Հայ ժողովրդի ազատագրական պայքարի ձգտումներին: Այդ իրողությունն էր կամրջում հայ-ռուսական բարեկամությունը:

Կրկին հիշենք. եվրոպական տերություններ, Ռուսաստան, Պարսկաստան, Խուրքիա ըստրը ձգտում էին տիրանալ Անդրկովկասին, ամրասնել իրենց զիրքերը Մերձավոր Արևելքում: Այդ նպատակների իրագործումը դյուրացնելու նպատակով նրանք սեպ էին խորում երկրամասի բազմազգ ժողովուրդների միջև, նրանց հանում միմյանց դեմ և ստեղծում էին իրավիճակ, որը բացառում էր այդ ժողովուրդների միասնական ճակատի կազմակերպումը: Հայ ժողովուրդն ու Հայաստանը հայտնվեցին հակասությունների այս անլուծելի թնջուկում: Եվ թող ոչ մի սլաժմարան, սոցիոլոգ կամ քաղաքական գործիչ այդ վիճակից հայերի փրկության ելք չգտնելու մեղքը չփնտրի պետականություններից և կազմակերպված ուղղակի և ուժից զուրկ երկասոված Հայ ժողովրդի մեջ:

1699 թ. Անգեղակոթում հավաքված Հայ մելիքներն այդ ելքը փնտրում էին Ռուսաստանից ակնկալվող օգնության մեջ: Այդ նպատակին հասնելու համար նրանք որոշեցին խնդրագրով դիմել Պետրոս I-ին, նրա մոտ ուղարկելով Հայ ազատագրական շարժման արդեն ճանաչված գործիչ Իսրայել Օրուն, որին համարում էին Հայ թագավորական դինաստիաներից սերված անձ:

Ռուսաստանն այդ ժամանակ պատերազմում էր շվեդների դեմ և չէր կարող անմիջական արձագանք տալ հայերի խնդրանքին, չնայած ռուսական արքունիքն այն բնույթով էր ջերմությամբ: Իսրայել Օրին 1704 թ. սեկտեմբեր Եվրոպա: Եթե ռուսական իշխանություններից հայերն աղերսում էին անմիջական օգնություն թուրքերի և պարսիկների լծից ազատագրվելու համար, ապա եվրոպական արքունիքներից նրանք խնդրում էին աղղկ պարսկական շահերի և թուրք սուլթանների վրա թույլ չտալու իրենց պետության մեջ ճնշելու քրիստոնյաներին: Երկու տարի ապարդյուն դռներ բախելուց հետո Օրին վերադարձավ Մոսկվա և իմացավ, որ Պետրոս I-ը ծրագրում էր կազմակերպել պարսկական արշավանք: Օրին կրկին առաջարկեց իր ծառայությունը և Պետրոս I-ից ստանալով գնդապետի աստիճան, ղեկավարեց 1707 թ. Պարսկաստան մեկնող ռուսական դեսպանությունը:

Վերջինիս առջև խնդիր էր դրվել տեղեկություններ հավաքել դեպի Պարսկաստան տանող ճանապարհների և այդ վայրերում տիրող իրավիճակի մասին: Գանձասարի կաթողիկոս Եսայի Հասան Ջալալյանի վկայությամբ, Օրին իր ճանապարհորդության ընթացքում հիմնովին հետախուզել էր Անդրկովկասում ռուսական զորքերի հնարավոր տեղաշարժերի բոլոր ուղիները:

Պետրոս I-ը իր ձեռքով գրած հրահանգում հանձնարարել էր Օրինին տեղեկանալ Հայ ժողովրդի մասին, ճշտել, թե «չատ է, նաև ինչ տեղերում է ապրում և նրանց մեջ իշխանական և վաճառականական ինչպիսի անվանի մարդիկ կան և որքանով են նրանք ցարական մեծության կողմը, նրանց հետ վարվել սիրալիր և թեքել բարյացկամության»:

Պարսկաստանում ուսուսական գեապանությանն ընդունեցին սառնությամբ, նկատի առնելով գեապանի հայ լինելը: Օրին սչաական հսկողության տակ վերցվեց, և երբ 1711 թ. վերադառնում էր Ռուսաստան, Աստրախանում մահացավ: Եսայի կաթողիկոսի վկայությամբ «չար և նախանձ անձինք» նրան թունամարեցին: Օրին չկարողացավ իր հավաքած աեղեկությունները հասցնել Պետրոս Մեծին: Պարսկական արչավանքը հետաձգվեց, ինչը խոր ցավ պատճառեց սղջ հայությանը: Չիրազործվեցին նաև վրաց թագավոր Վախթանգ VI-ի ակնկալիքները, որոնք կապված էին այդ արչավանքի հետ:

1715 թ. Պետրոս I-ը Օրինն արված հանձնարարականով Պարսկաստան ուղարկեց մի նոր գեապանություն, այս անգամ Ա. Վախինսկու գլխավորությամբ, որը ներկայացավ շահին ուսուսական ասեարական կապերն աշխուժացնելու պատրվակով: 1718 թ. Վախինսկին վերադարձավ Մոսկվա, իր հետ բերելով անհրաժեշտ ինֆորմացիա: Օղտազործելով այն ստիժը, որ Շամախի քաղաքում շահի դեմ բունա բարձրացրած խոտաբարները սրախողխող էին արել սուս ասեարականներին, Պետրոս I-ը հայտարարեց, որ իր գորբերը Շամախի ևն «գնում ոչ թե Պարսկաստանի դեմ պատերազմելու, այլ մեզ վիրավորած խոտաբարներին պատժելու համար»:

Պետրոս I-ը դիմեց այդ բայլին, երբ ամբողջ Անդրկովկասում և Հյուսիսային Կովկասում եվրոպական անբությունների գործակալները բոլոր միջոցներով զրդուում էին պարսիկներին, թուրքերին և լեռնականներին Ռուսաստանի դեմ, ձգտելով խանգարել ուսաների տաղխաղացմանը դեպի հարավ: Իսկ Պետրոս I-ն անհողող էր: Հաղթահարելով ուսական գորբերի տաղխաղացմանը խանգարող խոչընդոտները, 1722 թ. օգոստոսին Նա գրավեց Դերբենդը, որը հնուց ի վեր Կասպից ծովի դարպաս էին համարում: Բաքվի բնակիչները, որոնց մեջ քիչ չէին հաւսոո, ոգևորված դիմեցին Պետրոս Մեծին, խոստանալով օգնություն, եթե Նա գրավեր Բարուն: Պետրոս I-ը հուսադրող պատասխան հղեց բաքվեցիներին, սակայն արդեն հոգնած և միերապաշարի խիսա կարիք զգացող գորբերին Նա հրաման չտվեց գրավել Բարուն: Բացի այդ, անհանգիստ էր վիճակը մայրաքաղաքում: Սեպտեմբերին, ուսական գորբերի հրամանատարությունը հանձնելով գեներալ Մատյուշկինին, Պետրոս I-ը վերադարձավ Պետերբուրգ:

Ղարարաղի միլիքները շարունակեցին գրավոր դիմումներ հղել ուսական ցարին, խոստանալով ամեն կերպ օգնել նորին կայսերական մեծության գորբերին իրենց երկրամաս գալու ժամանակ, խոստանալով, որ հայերն ու վրացիները 40 հազարանոց գորքով պատրաստ են օգնելու ուսական գորբերին թութափելու պարսիկների և թուրքերի լուծը: Ռուսական գորբերի մոտենալը Բաքվին անհետևանք չմնաց: Այն ազդակ հանդիսացավ Սյունիքում և Ղարարազում բռնկված ապսամբության համար ուղղված Նախ և առաջ պարսիկների դեմ: Վախթանգ VI-ը այդ ապսամբությունը գլխավորելու համար Հայաստան էր ուղարկել Դավիթ Բեկին Մխիթար սպարապետի հետ միասին: Պարսիկները չկարողացան ճնչել ապսամբությունը, իսկ հայերը չկարողացան ձեռք բերել Սյունիքի և

Ղարարաղի լրիվ անկախութունը: Պարսիկների խարխլված զիրքերին ձգտեցին տիրանալ թուրքերը: Այժմ ապստամբներն իրենց ղենքն ուղղեցին թուրքերի դեմ: Պատմական այդ անցքերի զեղարվեստական պատկերավորումն էր Բաֆֆու «Դավիթ Բեկը»:

Պետրոս I-ը չկարողացավ վերադառնալ Անդրկովկաս, սակայն 1723 թ. Նունիսին արևելահայերի մոտ սղարկեց իր բանադնացին Հայապարի Իվան Կարապետին և իր հրովարտակով խոստացավ Հայերին ընդունել իր հովանավորութուն տակ, իսկ նրանց, ովքեր կցանկանային ներդառնել ռուսական սահմանները կազմակերպելու անհրաժեշտ ամեն մի օգնություն: Այս ընթացքում ռուսական զորքերը շարունակում էին առաջ շարժվել գեպի հարավ: 1723 թ. հուլիսի 26-ին նրանք գրավեցին Բաքուն: Դա նոր ակտիվություն հաղորդեց Հայ և վրաց ազատագրական շարժումներին: Սակայն թուրքերի հակառուսական ակտիվացումն Անդրկովկասում, ինչը չէր բացառում թուրք-պարսկական հակառուսական միասնական ճակատի կազմակերպումը, ստիպեց Պետրոս Մեծին 1723 թ. սեպտեմբերին գազարեցնել ռուսական զորքերի հետագա առաջխաղացումը և պայմանագիր կնքել Պարսկաստանի հետ:

Բաքուն և Դերբենդը ճանաչվեցին Ռուսաստանին պատկանող քաղաքներ, Ռուսաստանին զիջվեցին Դաղստանը և Մերձկասպյան ափերը: Սակայն Պարսկաստանում ծայր առած խժժութունների պատրվակով շահը չվավերացրեց այդ պայմանագիրը: Ստեղծված իրավիճակից օգտվեցին թուրքերը և 70 հազարանոց զորքով ներխուժեցին Անդրկովկաս, գրավեցին Թիֆլիսը և Արևելյան Հայաստանի մի պալի մասը, Երևանով հանդերձ: Վրաց թագավոր Վախթանգ VI-ը օգնություն խնդրանքով գիմեց Պետրոս I-ին: Վերջինս խոստացավ օգնել, բայց չկարողացավ:

Թուրքական վարսակությունների գեմն առնելու նպատակով Հայերն իրենց գնեքն ուղղեցին թուրքերի դեմ օգնելով պարսիկներին: Թուրքերի հետագա առաջխաղացումը կանխելու համար Ռուսաստանը կամ պետք է պատերազմ հայտարարեր թուրքիային կամ ամոթալի պայմանագիր կնքեր նրա հետ: Պետրոս I-ը այլ ելք չունենալով, ընտրեց երկրորդ տարբերակը: 1724 թ. հուլիսին Կ. Պոլսում կնքվեց ռուս-թուրքական պայմանագիր, որով Ռուսաստանը ճանաչեց Վրաստանի և Հայաստանի այն մարզերի անցումը թուրքիային, որոնք նա գրավել էր: Թուրքիան ճանաչեց 1723 թ. կնքած ռուս-պարսկական պայմանագրով Ռուսաստանին անցած սահմանները: Ռուս-թուրքական և ռուս-պարսկական պայմանագրերը չլուծեցին այդ երկրների միջև գոյություն ունեցող հակասությունները, որոնցից առաջին տուժողները Հայերն էին:

1725 թ. Պետրոս I-ի մահը (նա ապրեց ընդամենը 53 տարի) Ռուսաստանի համար հավասարազոր էր քաղաքական երկրաշարժի, որը կաթվածահար արեց Ռուսաստանի թե՛ ներքին և թե՛ արտաքին արևելյան քաղաքականությունը: Այն վերակենդանացվեց միայն 40 տարի անց:

Պետրոս I-ի քաղաքականությունը որգեգրեց Եկատերինա II-ը, իսկ Իսրայել Օրու առաքելությունն իր վրա վերցրեց Հովսեփ Էմինը: Սկզբնավորվեց Հայ-ռուսական հարաբերությունների նոր փուլ, որի կարգավորիչը շարունակում էր մնալ Սանկտ Պետերբուրգը: